

र॒श॒ना भ॑वति । ब॒हु वा ए॒ष कु॑च॒रो मे॒ध्यमु॑प॒गच्छ॑ति ।
यद॑श्वः । प॒वित्रं॑ वै द॒र्भाः ॥ ३ ॥

यद॑र्भ॒मयी॑ र॒श॒ना भ॑वति । पु॒नात्ये॒वैन॑म् । पू॒तमे॑नं
मे॒ध्यमा॑ल॒भते॑ । अ॒श्वस्य॑ वा अ॒ल॒ब्धस्य॑ म॒हि॒मोद॑क्रा॒-
मत् । स॒म॒ह॒र्त्विजः॑ प्रा॒वि॒शत् । तन्म॒ह॒र्त्विजां॑ म॒ह॒र्त्वि॒क्तम् ।
यन्म॒ह॒र्त्विजः॑ पु॒श्रन्ति॑ । म॒हि॒मान॑मे॒वास्मिन्॑ तद॑धाति ।
अ॒श्वस्य॑ वा अ॒ल॒ब्धस्य॑ रे॒त उ॑द॒क्राम॑त् । तत्सु॒वर्णं॑
हि॒र॒ण्यम॑भवत् ॥ यत्सु॒वर्णं॑ हि॒र॒ण्यं द॑दाति । रे॒त
ए॒व तद॑धाति । ओ॒द॒ने द॑दाति । रे॒तो वा ओ॒द॒नः ।
रे॒तो हि॒र॒ण्यम् । रे॒तसै॒वास्मिन्॑ रे॒तो द॑धाति ॥ ४ ॥

द॒धा॒ति रु॒न्धे द॒र्भा अ॑भवत् षट् च ॥ अनु० २ ॥

ततो॒योऽनु॑वाकः ।

यो वै ब्र॒ह्म॒णे दे॒वेभ्यः॑ पु॒जाप॑त॒ये प्र॑तिप्रो॒च्याश्वं॑ मे॒ध्यं
ब॒ध्नाति॑ । आ दे॒वता॑भ्यो वृ॒क्ष्यते॑ । पापी॑यान् भवति ।
यः प्र॑तिप्रो॒च्य । न दे॒वता॑भ्य आ॒वृ॒क्ष्यते॑ । वसी॑यान्
भवति । यदा॑ह । ब्र॒ह्म॒न्नश्वं॑ मे॒ध्यं भ॑न्त्स्यामि दे॒वेभ्यः॑
पु॒जाप॑त॒ये ते न॑रा॒ध्यास॑मिति । ब्र॒ह्म वै बृ॒ह्मा । ब्र॒ह्म॒ण
ए॒व दे॒वेभ्यः॑ पु॒जाप॑त॒ये प्र॑तिप्रो॒च्याश्वं॑ मे॒ध्यं ब॒ध्नाति॑ ॥

॥ १ ॥